

楚

寶

楚寶卷三十

明 梁谿高世泰彙旃父鑒定

湘潭後學周聖楷輯纂

同邑譚景尹較訂

方伎

司馬季主

司馬季主者楚人也。卜於長安東市。宋忠爲中大夫。賈誼爲博士。同日俱出洗沐。相從論議。誦易先王聖人之道術。究徧人情。相視而歎。賈誼曰。吾聞古之聖

人不居朝廷必在下。鑒之中。今吾已見三公九卿朝士大夫。皆可知矣。試之卜。數中以觀采。二人卽同輿而之市。游於卜肆中。天新雨。道少人。司馬季主閉坐。弟子三四人侍。方辯天地之道。日月之運。陰陽吉凶之本。二大夫再拜謁。司馬季主視其狀貌。如類有知者。卽禮之。使弟子延之坐。坐定。司馬季主復理前語。分別天地之終始。日月星辰之紀。老次仁義之際。列吉凶之符。語數千言。莫不順理。宋忠賈誼瞿然而怪。獵纓正襟危坐曰。吾望先生之狀。聽先生之辭。小子

竊觀於世未嘗見也今何居之卑何行之汙司馬季  
至捧腹大笑曰觀大夫類有道術者今何言之陋也  
何辭之野也今夫子所賢者何也所高者誰也今何  
以卑汙長者二君曰尊官厚祿世之所高也賢才處  
之今所處非其地故謂之卑言不信行不驗取不當  
故謂之汙夫卜筮者世俗之所賤簡也世皆言曰夫  
卜者多言謬嚴以得人情虛高入祿命以說人志擅  
言禍災以傷人心矯言鬼神以盡人財厚求拜謝以  
私於已此吾之所恥故謂之卑汙也司馬季主曰公

且安坐公見夫被髮童子乎日月照之則行不照則止問之曰月疵瑕吉凶則不能理由是觀之能知別賢與不肖者寡矣賢之行也直道以正諫三諫不聽則退其舉人也不望其報惡人也不顧其怨以便國家利衆爲務故官非其任不處也祿非其功不受也見人不正雖貴不敬也見人有汙雖尊不下也得不得爲喜去不爲恨非其罪也雖累辱而不愧也今公所謂賢者皆可爲羞矣衆疵而前嫌趨而言相引以勢相導以利比周竇正以求尊舉以受公奉事私利枉

王法獵農民以官爲威以法爲機求利逆暴辟無忌  
於操白刃劫入者也初試官時倍力爲巧詐飾虛功  
執空文以調至上用居上爲右試官不讓賢陳功見  
僞增實以無爲有以少爲多以求便勢尊位食飲驅  
馳從姬歌兒不顧於親犯法害民虐公家此夫爲盜  
不操矛弧者也攻而不用弦刃者也欺父母未有罪  
而弑君未伐者也何以爲高賢才乎盜賊發不能禁  
夷貊不服不能攝姦邪起不能塞官耗亂不能治四  
時不和不能調歲穀不熟不能適才賢不爲是不忠

也。才不賢而託官位利上奉妨賢者處是竊位也。有  
人者進有財者禮是僞也。子獨不見鴟梟之與鳳皇  
翔乎蘭芷芎藭棄於廣野蒿蕭成林使君子退而不  
顯衆公等是也。述而不作君子義也。今夫上者必法  
天地象四時順於仁義分策定卦按式正恭然後言  
天地之利害事之成敗。昔先王之定國家必先龜策  
日月而後乃敢代正時日。乃後入家產子必先占吉  
凶。後乃有之。自伏羲作八卦周文王演三百八十四  
爻而天下治。越王勾踐倣文王八卦以破敵國。弱

下由是言之。卜筮有何負哉。且夫卜筮者。掃除設坐。正其冠帶。然後乃言事。此有禮也。言而鬼神或以饗。忠臣以事其上。孝子以養其親。慈父以畜其子。此有德者也。義置數十百錢。病者或以愈。且死。或以生。患或以免。事或以成。嫁子娶婦。或以養生。此之爲德。豈直數十百錢哉。此夫老子所謂上德不德。是以有德。今夫卜筮者。利大而謝少。老子之云。豈異於是乎。莊子曰。君子內無饑寒之患。外無剗奪之憂。居上而敬。居下不爲害。君子之道也。今夫卜筮者。之爲業也。積。



之無委張藏之不用府庫徙之不用輜重負裝之不  
重止而用之無盡索之時持不盡索之物游於無窮  
之世雖莊氏之行未能增於是也子何故而云不可  
卜哉天不足西北星辰西北移地不足東南以海爲  
池日中必移月滿必虧先王之道乍存乍亡公責卜  
者言必信不亦惑乎公見夫談士辨人乎慮事定計  
必是人也然不能以一言說人主意故言必稱先王  
語必道上古慮事定計備先王之成功語其敗害以  
恐喜人主之志以求其欲多言誇嚴莫大於此矣然

欲彊國成功。盡忠於上。非此不立。今夫上者尊惑教。愚也。夫愚惑之人。豈能以一言而知之哉。言不厭多。故騏驥不能與罷驢爲駟。而鳳皇不與燕雀爲羣。而賢者亦不與不肖者同列。故君子處卑隱以辟衆。自匿以辟倫。微見德順。以除害。以明天性。取上養下多其功利。不求尊譽。公之等喁喁者也。何知長者之道乎。宋忠賈誼忽而自失。亡乎無色。悵然噤口。不能言。於是攝衣而起。再拜而辭。行洋洋也。出市門。僅能自。上車。伏軾低頭。卒不能出氣。居三日。宋忠見賈誼於。

殿門外乃相引屏語相謂自歎曰道高益安勢高益危居赫赫之勢矣身且有日矣夫卜而有不審不見奪禱爲人主計而不審身無所處此相去遠矣猶天冠地履也此老子之所謂無名者萬物之始也天地曠曠物之熙熙或安或危莫知居之我與若何足預彼哉彼久而愈安雖曾氏之義未有以異也久之宋忠使匈奴不至而還抵罪而賈誼爲梁懷王傳王隋馬薨誼不食毒恨而死此務華絕根者也

史懷曰日者傳止述司馬季主與賈誼宋忠議論

往復一段似史遷未着手之書然其論宦途危險  
及士大夫浮詐亦已刻骨汗顏矣賈誼曰吾聞古  
之聖人不居朝廷必在下賢之中畢竟是高識人  
語又曰今吾見三公九卿朝士大夫皆可知矣分  
明料此中之無人也一見季主之人聽其言業以  
聖賢待之矣所謂居之卑行之污借此發難耳第  
二子之意猶以爲至人身隱于卜嘗游于卜筮之  
外季主以爲道在於卜當求于卜筮之中一聞未  
達特爲點破非惟二子遇季主難季主遇二子亦

楚

寶

八

卷

三

十

六

也。難季、王於二子猶蘇門之於叔夜。管輅之於何鄉。

蔡倫

蔡倫字敬仲，桂陽人也。以永平末，始給事宮掖。建初中，爲小黄門，及和帝卽位，轉中常侍，豫參帷幄。倫有才學，盡心敦慎，數犯嚴顏匡弼得失。每至休沐，輒閉門絕賓，羣體田野。後加位尚方令。永平九年，監作秘劍及諸器械，莫不精工堅密，爲後世法。自古書契多編以竹簡，其用縑帛者，謂之爲紙，縑貴而簡重，並不便於人。倫乃造意，用樹膚、麻頭及敝布、魚網以爲紙。元興元年，奏上之。帝善其能，自是莫不從用焉。故天

桑寶  
下咸稱蔡侯紙元初元年鄧太后以倫父在宿衛封  
爲龍亭侯邑三百戶

聖楷曰史稱技巧所以利器用齊艱難者也蔡倫  
造紙天下後世始知有牋素之用功豈獨文苑哉  
故特收之方技使與奚仲墨翟並傳湖州記曰未  
陽縣北有蔡倫宅宅西有一石印云是倫審紙印  
按東漢桂陽郡治耒陽縣今俱屬衡州

庾季才

庾季才字叔爽其先新野人八世祖滔隨晉元帝過江官至散騎常侍封遂昌侯因家於南隄江陵縣祖詵梁處士與宗人易齊名父曼倩光祿卿季才幼穎悟八歲誦尚書十二通周易好占玄象居喪以孝聞梁廬陵王績辟荊州主簿湘東王繹重其術藝引授外兵參軍西臺建累遷中書郎領太史封宜昌縣伯季才固辭太史元帝曰漢司馬遷歷世尸掌魏高堂隆猶領此職不無前例卿何憚焉帝亦頗明星曆因



共仰觀往。季子曰：朕猶慮禍起蕭牆，何方可息？  
季子曰：項大象告變，秦將入郢。陛下宜留重臣作鎮，  
荆、陝、整、旗、還、都，以避其患。假令羯寇侵軼，止失荆、湘，  
在於社稷，可得無慮。必久停留，恐非天意也。帝初然  
之。後與吏部尚書宗慤等議，乃止。能而江陵陷，城竟  
如其言。周太祖一見季子，深加優禮，令參掌太史。每  
有征討，恒預侍從，賜宅一區，水田十頃，并奴婢牛羊  
什物等。謂季子曰：卿是南人，未安北土，故有此賜者。  
欲絕卿南望之心，宜盡誠事我，當以富貴相答。初，郢

都之陷也。衣冠士人多沒爲賤。季才散所賜物。購求親故。文帝問何能若此。季才曰。僕聞魏克襄陽。先收冀度。晉平建業。旋得士衡。伐國求賢。古之道也。今郢都覆沒。君信有罪。縉紳何咎。皆爲賤隸。鄙人霸旅。不敢獻言。誠切哀之。故贖賸耳。太祖乃悟。曰。吾之過也。微君。遂失天下之望。因出命。免梁俘爲奴婢者數千口。武成二年。與王褒。庾信。同補麟趾學士。累遷稍伯大夫。車騎大將軍。儀同三司。其後大象。宰宇文護執政。謂季才曰。比日天道有何徵祥。季才對曰。荷恩深。

厚若不盡言便同木石項上台有變不利宰相公宣  
歸政天子請老私門此則自享期頤而受旦與之美  
子孫藩屏終保維城之固不然者非復所知護沈吟  
自是漸跡不復請見及薨滅之後閱其書記武帝親  
自臨檢有假托符命妄造異端者皆致誅滅唯得李  
才書兩紙盛言緯候災祥宜反政歸權帝謂少宗伯  
科斯徵曰庾季才至誠謹慤甚得人臣之礼因進封  
臨賴伯及隋高祖爲丞相嘗夜召季才而問曰吾以  
庸虛受茲顧命天時人事卿以爲何如季才曰天道

精微難可意察切以人事卜之符兆已定季才縱言  
不可公豈復得爲箕頰之事乎高祖默然久之因舉  
首曰吾今譬猶騎獸誠不得下矣因賜雜綵五十匹  
絹二百段曰愧公此意宜善爲思之大定元年正月  
季才言曰今月戊戌平旦青氣如樓閣見於國城之  
上俄而變紫逆風西行氣經云天不能無雲而雨皇  
王不能無氣而立今王氣已見須卽應之二月日出  
卯入酉居天之正位謂之二入之門日者人君之象  
人君正位宜用二月其用十三日甲子甲爲六甲之

始子爲十二辰之初甲數九子數又九九爲天數其  
日卽是驚蟄陽氣壯發之時昔周武王以二月甲子  
定天下享年八百漢高帝以二月甲午卽帝位享年  
四百故知甲子甲午爲得天數今二月甲子宜應天  
受命上從之開皇元年授通直散騎常侍高祖將選  
都夜與高頴蘇威二人定議季才旦而奏曰臣仰觀  
玄象俯察圖記龜兆九襲必有遷都且堯之平陽舜  
都冀土是知帝王居止世代不同且漢營此城經今  
將八百歲水皆鹹鹵不甚宜入願陛下協天之心

爲遷徙之計。高祖愕然。謂賴等曰。是何神也。遂奏施行。賜絹三百段。馬兩疋。進爵爲公。謂季才曰。朕自今已後。信有天道矣。於是令季才與其子質撰垂象地。形等志。上謂季才曰。天地秘奧。推測多途。執見不同。或致舛舛。朕不欲外人干預此事。故使公父子共爲之也。及書成。奏之。賜米千石。絹六百段。九月。出爲均州刺史。策書始降。將就藩時。議以季才術藝精通。有詔還委舊任。季才以年老。頻表去職。每降優旨。不許。會張甯玄曆行。及韋充言日景長。上以問季才。季

才因言充謬上大怒由是免職給半祿歸第所有祥  
異嘗使人就家訪焉仁壽三年卒時年八十八季才  
局量寬弘術業優博篤於信義志好賓遊常吉日良  
辰與琅琊王褒彭城劉毅河東裴政及宗人信等爲  
文酒之會次有劉臻明克讓柳習之徒雖爲後進亦  
申遊款撰露臺秘苑一百二十卷垂象志一百四十  
二卷地形志八十七卷並行於世子質  
聖楷曰子長謂陰陽之書使人拘而多忌况復變  
亂陰陽曲成君欲假託神怪惑人心者乎庾季

才○歷○事○三○姓○屢○占○興○滅○雖○不○同○于○妖○妄○之○倫○然○而○  
定○策○觀○兆○灼○知○人○情○篡○逆○有○心○豈○無○中○恩○故○日○景○  
之○對○身○雖○倖○免○而○東○巡○之○諫○子○卒○捐○軀○或○亦○龜○策○  
能○言○美○好○不○祥○之○所○致○也○術○可○不○慎○哉○



庾質

庾質字行修，季才之子，少而明敏，蚤有志尚。八歲誦梁世祖玄覽言志等十賦，拜童子郎，仕周。齊煬王記室，開皇元年除奉朝請，歷鄢陵令，遷隴州司馬。大業初，授太史令，操履貞慤，立言忠鯁，每有祥異，必詣事而陳。而煬帝性多忌刻，齊王暕亦實猜嫌質子儉，時爲齊王屬帝，謂質曰：「汝不能一心事我，乃使兒事齊王，何向背如此耶？」質曰：「臣事陛下，子事齊王，實是一心，不敢有二。」帝怒不解，由是出爲合水令。八年，帝親

伐遼東徵諸行在所至臨渝謁見帝謂質曰朕承先  
帝親事高麗度其土地人民纔當我一羣卿以爲克  
不質對曰以臣管窺伐之可克切有愚見不願陛下  
親行帝作色曰朕今總兵至此豈可未見賊而自退  
也質又曰陛下若行慮損軍威臣猶願安駕任此命  
驍將勇士指授規模倍道兼行出其不意事宜在速  
緩必無功帝不悅曰汝旣難行可任此也及師還授  
太史令九年復征高麗又問質曰今段復何如對曰  
臣實愚迷猶執前見陛下若親動萬乘糜費實多帝

怒曰：我自行尚不能尅，直遣人去，豈有成功也？帝遂行。旣而禮部尙書楊玄感據黎陽反，兵部侍郎斛斯政奔高麗，帝大懼，遽而西還。謂質曰：卿前不許我行，當爲此耳。未知玄感其成事乎？質曰：玄感地勢雖隆，德望非素，因百姓之勞苦，冀僥倖而成功。今天下一家，未易可動。帝曰：熒惑入斗，如何？對曰：斗，楚之分，玄感之所封也。今火色衰，謝終必無成。十年，帝自西京將往東都，質諫曰：此歲伐遼，民實勞敝。陛下宜鎮撫關內，使百姓畢力，蠲農三五年，間令四海少得豐實。

然後巡省於事爲安陛下思之帝不悅質辭疾不從  
帝聞之怒遣使馳傳鎖質詣行在所至東都詔令下  
獄竟死獄中子儉亦傳父業兼有學識仕歷襄武令  
義寧初爲太史令時有盧太翼耿詢並以星曆知名  
翼楷按盧太翼字協昭河間人本姓章仇氏七歲  
詣學日誦數千言及長博綜羣書尤善占候算曆  
之術隱於白鹿山又徙林慮山築菟嶠其後自言  
以手摸書而知其字煬帝嘗從容言及天下氏族  
謂太翼曰卿姓章仇四嶽之胃與盧同源於是賜

姓爲盧。耿詢字敦信，丹楊人。滑稽辯給，伎巧絕人。詢創意造，渾天儀不假人力，以水轉之，施于闔室，使知玄象者。外候天時，合如符契。又作馬上刻漏，世稱其妙。後爲宇文化及所殺。著鳥情占一卷，行于世。

浮屠泓

浮屠泓者黃州人與天官侍郎張敬之善敬之以武  
后在位嘗指所服示子冠宗曰莽朝服耳俄冠宗以  
父應入三品諸有司言狀泓忽曰君無煩求三品也  
敬之大驚已而知出冠宗意敬之第訥之疾殆泓曰  
公第當位三品不足憂也已而愈嘗爲燕國公張說  
市宅戒曰無穿東北王隅也它日見說曰宅氣索然  
云何與說共視隅有三坎深丈餘泓驚曰公富貴一  
世而已諸子將不終說懼將平之泓曰客土無氣與

地脈不連。譬身瘡痛。補它肉。無益也。說子後。皆汚賊死斥云。

盧氏雜說曰。李吉甫宅。泓師謂其地形爲玉杯。牛僧孺宅爲金杯。云玉杯一破。無復全。金杯或斲重。可完。僧孺宅在新昌里。本天寶中。將作大匠康習宅。誓自辨圖。阜以其地。當出宰相。每命相。誓必引頸望之。宅卒爲僧孺所得。吉甫宅。至德。孺貶其家滅矣。按僧一行。桑道茂。俱有金盃玉盃之記。與此說又不同。未知孰是。

俞叟

俞叟者江陵市門監也。江陵尹王潛有吏才所在致理。但薄于義。在江陵日有京兆呂氏子以饑寒遠謁潛。潛不爲禮。旬餘在逆旅。未果還。叟見呂生往來有不足色。召而問之。呂曰。我居渭北。貧苦未達。無以自存。親府帥王公重表丈也。以親舊自遠而來。雖入謁未嘗一問命也。叟曰。我亦困者。無以周。吾子之急。今夕可泊于我舍。少展宿食之敬。呂諾之。旣入其居。摧簷破牖。置席于地。坐語且久。所食陶甒脫粟而已。叟



曰。吾嘗學道于四明山。有志未就。自晦迹於此。適聞  
王公。卜籍意殊怏怏。今夕爲吾子設一小術。以致慰  
洛。裘糧之費。不亦可乎。因取一缶。合于地。僅食頃舉  
而視之。見一人長五寸許。紫綬金帶。跪而拱焉。僉叟  
指曰。此乃尚書王公之魂也。因誡曰。呂乃汝之表姪。  
家貧不能自給。故遠來仰給汝。而曾不以禮。豈親親  
之道也。今不罪汝。可厚遺之。紫衣僕而揖。若受教之  
狀。叟又曰。呂僉僕馬可致一馬一僕。綠二百疋。以遺  
之。紫衣者又跪而揖。於是以前缶合地上。有頃視之。

已無見矣。明旦，叟謂呂曰：「子可疾去。王公旦已召子矣。」及歸，王果召之。見且謝曰：「吾子不遠見訪，屬軍府務繁，竟未果。一日接言，深用爲愧。是日始館之驛亭，與燕游累日，贈僕馬及二百緡。呂生益奇之，然不敢形言及歸。渭北後數年，與友人會宿，語及霧，惟始以其事聞於人也。」

聖楷按：王潜在荊州時，多異術，如張仕政善止痛，折有軍人損脛，求張治之，張飲以藥酒，破肉去碎骨，一片大如兩指，塗膏封之，數日如舊。經二年餘。

脛忽痛復問張張言前爲君所出骨寒則痛可速  
覓也果獲於縣下令以湯洗貯于絮中其痛卽愈  
王公子弟與之狎常祈其戲術張取馬草一捆再  
三接之悉成燈蛾飛又畫一婦人於壁酌酒滿杯  
飲之酒輒盡滴遂巡畫婦人面赤半日許可盡濕  
起壞落其術終不肯傳人

沙門洪蘊

沙門洪蘊本姓藍潭州長沙人母翁初以無子專誦佛經既而有娠生洪蘊年十三詣毘之開福寺沙門智已求出家習方伎之書後游京師以鑿術知名太祖召見賜紫方袍號廣利太師太平興國中詔購鑿方洪蘊錄古方數十以獻真宗在蜀邸洪蘊嘗以方藥謁見咸平初補右街首座累轉左街副僧錄洪蘊尤工診切每先歲時言人生死無不應湯劑精至貴戚大臣有疾者多詔遣診療景德元年卒年六十八

聖指按宋方伎傳云舊史有老釋符瑞二志又有  
方○技○傳○今○省○二○志○入○方○伎○故○僧○始○以○鑿○著○然○生○人  
殺○人○之○術○壽○世○君○子○每○慎○言○之○况○園○頂○方○袍○而○診  
切○聞○闔○簞○韻○事○乎○若○智○緣○之○經○畧○邊○場○而○爲○玉○韶  
所○嫉○其○效○亦○可○睹○矣○

僧智緣

僧智緣隨州人。善醫。嘉祐末召至京師。舍于相國寺。每察脈知人貴賤禍福休咎。診父之脈而能道其子吉凶。所言若神。士大夫爭造之。王珪與王安石在翰林。珪疑古無此。安石曰。昔暨和診晉侯而知其良臣將死。夫良臣之命乃見於其君之脈。則視父知子亦何足怪哉。熙寧中王韶謀取青唐。上言蕃族重僧而僧結吳叱臘主部帳甚衆。請智緣與俱。至邊神宗召見。賜白金。遣乘傳而西。遂稱經畧太師。智緣有辨口。

徑入蕃中。譏結吳叱臘。歸化而他族。俞龍珂爲藏納。  
令支等皆因以書款。詔頗忌惡之。言其撓邊事。召還。  
以爲右街首座卒。

龐安時

龐安時字安常，蘄州蘄水人。兒時能讀書，過目輒記。父世醫也，授以脈訣。安時曰：「是不足爲也。」獨取黃帝扁鵲之脈書治之。未久，已能通其說。時出新意，辯詰不可屈。父大驚。時年猶未冠，已而病贖，乃益讀靈樞太素甲乙諸秘書。凡經傳百家之涉其道者，靡不通貫。嘗曰：「世所謂醫書，予皆見之。惟扁鵲之言深矣。蓋所謂難經者，扁鵲寓術於其書，而言之不詳，意者使後人自求之歟。予之術蓋出於此，以之視淺深，決死



生若合符節。且察脈之要。莫急於人迎寸口。是二脈陰陽相應。如兩引繩。陰陽均。則繩之大小等。故定陰陽于脈。手配覆溢于尺寸。寓九候于浮沉。分四溢于傷寒。此皆扁鵲畧開其端。而予參以內經諸書。考究而得其說。審而用之。順而治之。病不得逃矣。又欲以術告後世。故著難經辨數萬言。觀草木之性。與五藏之宜。秩其職任。官其寒熱。班其奇偶。以療百疾。著至對集一卷。古今異宜。方術脫遺。備陰陽之變。補仲景論藥有後出。古所未知。今不能辨。嘗試有功。不可遺。

也作本草補遺爲入治病率十愈八九踵門求診者爲關邸舍居之親視飭粥藥物必愈而後遣其不可爲者必實告之不復爲治活人無數病家持金帛來謝不盡取也嘗詣舒之桐城有民家婦孕將產七日而子不下百術無所效安時之弟子李百全適在傍舍邀安時往視之纔見卽連呼不死令其家人以湯溫其腰腹自爲上下拊摩孕者覺腸胃微痛呻吟間生一男子其家驚喜而不知所以然安時曰兒已出胞而一手誤執母腸不復能脫故非符藥所能爲吾

刻○璧○  
隔○腹○捫○兒○手○所○在○鍼○其○虎○口○既○痛○卽○縮○手○所○以○遽○生○  
無○他○術○也○取○兒○視○之○右○手○虎○口○鍼○痕○存○焉○其○妙○如○此○  
有○問○以○華○陀○之○事○者○曰○術○若○是○非○人○所○能○爲○也○其○史○  
之○妄○乎○年○五○十○八○而○疾○作○門○人○請○自○視○脈○笑○曰○吾○察○  
之○審○矣○且○出○入○息○亦○脈○也○今○胃○氣○已○絕○死○矣○遂○屏○却○  
藥○餌○後○數○日○與○客○坐○語○而○卒○

東○坡○志○林○曰○龐○安○常○爲○醫○不○志○於○利○得○善○書○古○畫○  
喜○輒○不○自○勝○九○江○胡○道○士○頗○得○其○術○與○予○用○藥○無○  
以○酬○之○爲○作○行○草○數○紙○而○已○且○告○之○曰○此○安○常○故○

事不可廢也

黃山谷傷寒論後序曰。龐安常自少時善醫方。爲人治病。處其生死多驗。名傾江淮。諸鑒然爲氣任。俠鬪雞走狗。蹴鞠擊毬。少年豪縱。事無所不爲。博奕音技。一工所難。而兼能之。家富多後。房不出戶。而所欲得。人之以鑒聘之也。皆多陳其所好。以順適其意。其來也。病家如市。其病已也。君脫然不受。謝而去之。中年乃屏絕戲弄。閉門讀書。自神農黃帝經方扁鵲八十一難。靈樞甲乙。葛洪所綜。緝百

家之言無不貫察其簡策紛錯黃素朽蠹先師或  
失其讀學術淺陋私智穿鑿曲士或竄其文安常  
悉能辨論發揮每用以視病如是而生如是而不  
治幾乎十全矣然人以病造不擇貴賤貧富使齋  
曲房調護以寒暑之宜珍饈美饌時節其饑飽之  
度愛其老而慈其幼如痛在已也未嘗輕用人之  
疾嘗試其所不知之方蓋其輕財如糞土而樂義  
愿事如慈母而有帝似秦漢間循吏而不害人之  
戰國四公子而不爭利所以能動而得意起人之

疾不可縷數。他日過之，未嘗有德色也。其所論著傷寒論，多得古人不言之意，其所師用而得意於病家之陰陽虛實，今世所謂良醫，十不得其五也。余始欲掇其大要，論其精微，使士大夫稍知之，適有心腹之疾，未能卒業。然未嘗游其庭者，雖得吾說而不解，誠加意讀書，則過半矣。故特著其行事，以爲後序云。其前序海上道人諾爲之，故虞右以待。

宛丘張氏跋曰：張仲景傷寒論論病處方，纖悉必

具又爲之增損進退之法以告後人嗟夫仁人之  
用心哉且非通神造妙不能爲也安常又竊憂其  
有病證而無方者續著爲論數卷用心爲術追儷  
古人淮南謂安常能與傷寒說話豈不信哉

張康

張康字汝安號明遠潭州湘潭人祖安厚父世英康  
蚤孤力學旁通術數宋呂文德江萬里留夢炎皆推  
重之辟置幕下宋亡隱衡山至元十四年世祖遣中  
丞崔或祀南嶽就訪隱逸或兄湖南行省叅政崔斌  
言康隱衡山學通天文地理或還具以聞遣使召康  
與斌偕至京師十五年夏四月至上都見帝親試所  
學大驗授著作佐郎仍以內嬪松夫人妻之凡召對  
禮遇殊厚呼以明遠而不名嘗面諭凡有所問使極



言之十八年康上奏歲壬午太一理民宮王太將客  
參將因直符治事正屬燕分明年奉京城常有盜兵  
事干將相十九年三月盜果起京師殺阿合馬等帝  
欲征日本命康以太一推之康奏曰南國甫定民力  
未蘇且今年太一無算舉兵不利從之嘗賜太史院  
錢分千貫以與康不受衆服其廉久之乞歸田里優  
詔不許遷奉直大夫秘書監丞年六十五卒子天祐

萬玉山

萬玉山者名福敦羅田人幼穎異攻舉子業已輒厭  
棄童髮投塔山寺爲僧法名道璣卽冥解禪宗邑令  
徐召與語大器之命畜髮訪道四方是號玉山期數  
年後還東吳結方外友玉山自茲徧遊終南峩睂武  
夷天台懷玉玉屋五嶽之勝所至習憇遇縉流羽客  
一語會心卽師事之追躋已克然有得矣玉山身短  
精悍善踵息鉤鍊不暇秣麪鹽酪深味丹經旁通風  
角堪輿奇門符水而尤聖于鑿繪竹蘭清逸有韻其

它譜琴擊劍蹴踘躑躅雜伎種種入能品語人禍福  
多奇中人問以故曰太清無纖雲誠則明矣方外從  
遊者輒先窘辱之以嘗其心而後受之不責一錢家  
不殖產業僅買黃崖山數十弓營廬焉年六十始  
娶妻生一子正德乙亥將遊霍山約其徒方大旺偕  
行方以乏嗣對玉山曰女好留矣今年某月可結胎  
明年某月日時當舉男良父曰雖得長成惜非長命  
耳玉山獨荷一襖往明年方生子果悉如其言玉山  
希霍山日忽心悸偏左刺痛占曰塋地當有竊者吾

弟福厚其殆虎矣。卽奔還其弟果以是日塋山之左。  
亾何玉山以青龍河有佳氣復往霍山去之明年庚  
辰四月十日謂其主人江曰。霧鶴夜且至。倘余假寐。  
幸亟呼出戶也。是夜風聲如驟。瓦簷盡鳴。主人舉炬  
視之。則羣鶴集竹稍。什壓墻屋。呼玉山玉山不應。入  
戶窺之。方正襟趺坐。呼之復不應。乃知卽化矣。年九  
十二。初玉山寓蘄水黃岡陶仲文從之授符水能白  
晝招鶴。謂之曰子第行之可致富貴。嘉靖間仲文入  
京師以其術獻之。世宗皇帝官歷三孤封真人。

上詢其師仲文以玉山對壬寅夏六月詔贈清微  
神霄演法真人遣官焚黃墓隧玉山子樸方以掾史  
授牒吏部上命仲文引入將授太常官懇以疾辭  
省祭饗終其身不仕

聖楷曰仲文受法于玉山而依附邵元節以進其  
道不足尊也玉山子獨能辭榮遠躋終身不仕或  
玉山有以授之耶抑恥仲文之所爲而然耶要其  
志趣有足嘉矣

楚寶異人論次

世豈有異人哉知之則爲國士不知則爲衆人而已  
矣辟之麟鳳以時見則爲瑞不以時見則爲妖非麟  
鳳之好異所遇之不同也雖然物之異者其性必殊  
士之異者其心難測負人負千古同慨又安所得  
絕纓喻射之輩而用之哉述異人第十九凡一卷

異人一

屈 巫

絕纓之臣

伍子胥

范 蠡

陳 音

弱弓微繳之臣

楚寶

陸法和

張惟孝

楚寶異人論次終

楚寶卷三十一

明 梁谿高世泰彙旃父鑒定

湘潭後學周聖楷輯纂

長沙李友蘭較訂

異人

屈巫

屈巫一名巫臣字子靈楚公族也爲申公楚莊王十  
七年伐蕭師人多寒巫臣曰王巡三軍拊而勉之三  
軍之士皆如挾纊遂傳於蕭滅之莊王之討陳夏氏



也。王欲納夏姬。巫臣曰：「不可。召諸侯以討罪也。今納夏姬貪其色也。貪色爲淫。淫爲大罰。周書曰：『明德懷。』」  
「罰文王所以造周也。明德務崇之。之謂也。慎罰務去之。之謂也。若與諸侯以取大罰。非慎之也。君其圖之。」  
王乃止。子反欲取之。巫臣曰：「是不祥人也。是天子蠻殺御叔。弑靈侯。殺夏南。出孔儀。喪陳國。何不祥如是。人生實難。其有不獲死乎。天下多美婦人。何必是子反。乃止。王以子連尹襄老。襄老死於郕。不獲其尸。其子黑要蒸焉。巫臣使道之曰：『歸。吾聘女。』又使自鄭召。

曰尸可得也必來送之姬以告王王問屈巫對曰其信知瑩之父成公之嬖而中行伯之季弟也新佐中軍而善鄭皇戌甚愛此子其必因鄭而歸王子與衰老之尸以求之鄭人懼于邲之役而欲求媚于晉其必許之王遣夏姬歸將行謂送者曰不得尸吾不反矣巫臣聘諸鄭鄭伯許之及其王卽位將爲陽橋之役使屈巫聘于齊且告師期巫臣盡室以行申叔跪從其父將適郢遇之曰異哉夫子有三軍之懼而又有桑中之喜宜將竊妻以逃者也及鄭使介反幣

而以夏姬行將奔齊齊師新敗曰吾不處不勝之國  
遂奔晉而因却至以臣于晉使爲邢大夫子反請以  
重幣錮之共王曰止其自爲謀也則過矣其爲吾先  
君謀也則忠忠社稷之固也所益多矣且彼若能利  
國家雖重幣晉將可乎若無益于晉晉將棄之何勞  
錮焉初莊王圍宋而還子重請取于申呂以爲賞田  
王許之巫臣曰不可此申呂所以邑也是以爲賦以  
御北方若取之是無申呂也晉鄭必至于漢王乃止  
子重以是怨巫臣子反亦以夏姬之故怨之於是共

紹族臣之族子闔子蕩及清尹弗忌與褻老之子黑  
要而分其室子重取子闔之室使沈尹與王子罷分  
子蕩之室子反取黑要與清尹之室巫臣自晉遺二  
子書曰爾以讒慝貪恡事君而多殺不辜余必使爾  
疲於奔命以死巫臣請使于吳景公許之吳王壽夢  
說之乃通吳於晉以兩之一卒適吳舍偏兩之一焉  
與其射御教吳乘車教之戰陣教之叛楚與其子狐  
庸焉使爲行人於吳吳始伐楚伐巢伐徐遂入州來  
子重子反於是乎一歲七奔命蠻夷屬于楚者吳盡

取之。景公十七年，使屈巫如吳，假道于莒，與渠丘公  
立于池上，曰：「城已惡。」莒子曰：「僻陋在夷，其孰以我爲  
虞？」對曰：「夫狡焉思啟封疆，以利社稷者，何國蔑有？唯  
然故多大國矣。唯或思或縱也。勇夫重閉，況國乎？不  
聽。明年，楚子重自陳伐莒，圍渠丘城。惡裒潰奔莒。楚  
遂圍莒。莒城亦潰。楚遂入郕。浹辰之間，而楚克其三  
都，無備故也。子狐庸留于吳。吳王壽夢卒，使爲相。  
左氏曰：「初，叔向欲娶于申公巫臣氏，其母欲娶其  
黨叔向曰：「吾母多而庶鮮，吾懲舅氏矣。」其母曰：「子

靈之妻。殺三夫。一君。一子。而亾一國。兩卿矣。可饗。  
懲乎。吾聞之。甚美。必有其惡。是鄭穆少妃姚子之。  
子子貉之妹也。子貉早死。饗後。而天鍾美於是。將。  
必。以。是。有。大。敗。也。昔。有。仍。氏。生。女。黠。黑。而。甚。美。光。  
可。以。鑑。名。曰。玄。妻。樂。正。后。棄。取。之。生。伯。封。實。有。豕。  
心。貪。恠。無。饗。忿。賴。無。期。謂。之。封。豕。有。竊。后。羿。滅。之。  
葬。是。以。不。祀。且。三。代。之。亾。其。子。之。廢。皆。是。物。也。女。  
何。以。爲。哉。夫。有。尤。物。足。以。移。人。苟。非。德。義。則。必。有。  
禍。叔。向。懼。不。敢。取。平。公。疆。使。取。之。生。伯。石。伯。石。始。

生子容之。晏子謂諸姑曰：「長叔姒生男，姑視之。」及堂聞其聲而還，曰：「是豺狼之聲也。狼子野心，非是莫養。」

宋文士及糖蜜記曰：「夏姬內挾伎術，老而復壯，三爲王后，七爲夫人，凡九爲寡婦。春秋之初，有魯楚之諺曰：『夏姬得道，雞皮三少。』」

聖楷曰：「夏姬得道，雞皮三少，其妖淫固不足異也。獨笑巫臣智識絕人，爲一老婦費七年心力，得遂桑中之喜，竟忘宗國之覆，大不可解。且夏姬年踰

七十猶與巫臣生女後嫁叔向卒滅羊舌氏之族  
豈天生此尤物禍人卽巫臣亦隨其術中而不悟  
耶抑巫臣不遇絕纓之玉其怨毒之氣得禍水而  
益熾耶人知吳之入郢讐自伍胥不知教吳戰陣  
使之叛楚寔自巫臣爲夏姬始也女戎勝我謀臣  
資敵可勝歎哉可勝歎哉



絕纓之臣

楚莊王賜羣臣酒。日暮酒酣。燈燭滅。乃有人引美人之衣者。美人援絕其冠纓。告王曰。今者燭滅。有引妾衣者。妾援得其冠纓。持之趣火來。上視絕纓者。王曰。賜人酒。使醉失禮。奈何。欲顯婦人之節。而辱士乎。乃命左右曰。今日與寡人飲。不絕冠纓者。不懽。羣臣百有餘人。皆絕去其冠纓。而上火。卒盡懽。而罷。居三年。晉與楚戰。有一臣常在前。五合五奮。首却敵。卒得勝。之。莊王恠而問曰。寡人德薄。又未嘗異子。子何故出。

死○不○疑○如○是○對○曰○臣○當○死○往○者○醉○失○禮○王○隱○忍○不○加○  
誅○也○臣○終○不○敢○以○陰○蔽○之○德○而○不○顯○報○王○也○常○願○肝○  
腦○塗○地○用○頸○血○湔○敵○久○矣○臣○乃○夜○絕○纓○者○也○遂○敗○晉○  
軍○楚○得○以○強○

聖○楷○曰○鬻○彘○之○餓○夫○岐○下○之○野○人○皆○可○以○得○其○死○  
力○然○不○若○此○絕○纓○者○踪○迹○更○奇○也○當○酒○酣○滅○燭○坐○  
近○美○人○必○在○大○夫○近○臣○之○列○何○以○臨○陣○却○敵○莊○王○  
都○不○識○其○姓○名○此○可○疑○也○或○者○楚○多○異○才○而○不○安○  
于○下○位○者○之○所○爲○歟○楚○莊○之○霸○於○此○決○矣○

伍子胥

伍子胥者楚人也名員員父曰伍奢員兄曰伍尚初平王有太子名曰建使伍奢爲太傅費無忌爲少傅無忌旣以秦女自媚于平王乃因讒太子建將欲爲亂於是平王怒囚伍奢而使城父司馬奮揚往殺太子行未至奮揚使人先告太子太子亟去不然將誅太子建亡奔宋無忌言於平王曰伍奢有二子皆賢不誅將爲楚憂可以其父質而召之不然且爲楚患王使使謂伍奢曰能致汝二子則生不能則死伍奢

曰尚爲人仁呼必來負爲人剛戾忍詢能成大事  
彼見來之并禽其勢必不來王不聽使人召二子曰  
來吾生汝父不來今殺奢也伍尚欲往貢曰楚之召  
我兄弟非欲以生我父也恐有脫者後生患故以父  
爲質詐召二子二子去則父子俱死何益父之死往  
而令讐不得報耳不如奔他國借力以雪父之恥俱  
滅無爲也伍尚曰我知往終不能全父命然恨父召  
我以求生而不往後不能雪恥終爲天下笑耳謂貢  
可去矣汝能報殺父之讐我將歸死尚旣就執使者

捕伍胥伍胥貫弓執矢向使者使者不敢進伍胥遂  
入聞太子建之在宋往從之奢聞子胥之入也曰楚  
國君臣且苦兵矣伍尚至楚楚并殺奢與尚也伍胥  
既至宋宋有華氏之亂乃與太子建俱奔於鄭鄭人  
甚善之太子建又適晉晉頃公曰太子既善鄭鄭信  
太子太子能爲我內應而我攻其外滅鄭必矣滅鄭  
而封太子太子乃還鄭事未會會自私欲殺其從者  
從者知其謀乃告之於鄭鄭定公與子產誅殺太子  
建建有子名勝伍胥懼乃與勝俱奔吳到昭關昭關

欲執之。伍胥遂與勝獨身步走。幾不得脫。追者在後。至江。江上有一漁父乘船。知伍胥之急。乃渡伍胥。伍胥既渡。解其劍曰。此劍直百金。以與父。父曰。楚國之法。得伍胥者。賜粟五萬石。爵執珪。豈徒百金劍耶。不受。伍胥未至吳。而疾止中道。乞食。至於吳。吳王僚方用事。公子光爲將。伍胥乃因公子光以求見吳王。久之。楚平王以其邊邑鍾離與吳邊邑卑梁氏俱蠻。兩女子爭桑相攻。乃大怒。至於兩國舉兵相伐。吳使公子光伐楚。拔其鍾離。君巢而歸。伍子胥說吳王僚曰。

楚可破也。願復遣公子光。公子光謂吳王曰：彼伍胥  
父兄爲戮於楚，而勸王伐楚者，欲以自報其讐耳。伐  
楚未可破也。伍胥知公子光有內志，欲殺王而自立。  
未可說。以外事乃進，專諸于公子光。退而與太子建  
之子勝耕于野。五年而楚平王卒。初，平王所奪太子  
建妻，女生子軫。及平王卒，軫竟立爲後。是爲昭王。吳  
王僚因楚喪，使二公子將兵往襲楚。楚發兵絕吳兵  
之後，不得歸。吳國內空，而公子光乃令專諸襲刺吳  
王僚而自立。是爲吳王闔廬。闔廬旣立，得志，乃召伍

楚寶

賁以爲行人而與謀國事。楚誅其大臣卻宛。伯州犂  
伯州犂之孫伯嚭亡奔吳。吳亦以嚭爲大夫。前王僚  
所遣二公子將兵伐楚者道絕不得歸。後聞閻廬弑  
王僚自立。遂以其兵降楚。楚封之於舒。閻廬立三年  
乃興師與伍胥伯嚭伐楚。拔舒。遂禽故吳反二將軍。  
因欲至郢。將軍孫武曰：「民勞未可且待之。」乃歸。四年  
吳伐楚。取六。與潛。五年伐越。敗之。六年楚昭王使公  
子囊瓦將兵伐吳。吳使賁迎擊。大破楚軍於豫章。  
取楚之居巢。九年吳王闔廬謂子胥孫武曰：「始子言



郢未可入。今果何如？二子對曰：「楚將囊瓦貪而唐蔡皆怨之。王必欲大伐之，必先得唐蔡，乃可闔廬聽之。悉興師與唐蔡伐楚，與楚夾漢水而陳。吳王之弟夫概將兵請從王，不聽，遂以其屬五十人擊楚將子常。子常敗走奔鄭，於是吳乘勝而前五戰，遂至郢。己卯，楚昭王出奔庚辰。吳王入郢，始伍胥與申包胥爲交。貞之，亾也。謂包胥曰：『我必覆楚。』包胥曰：『我必存之。』及吳兵入郢，伍子胥求昭王，旣不得，乃掘楚平王墓，出其尸，鞭之三百，然後已。申包胥亾於山中，使人謂子

晉曰子之報讐其以其乎。吾聞之人衆者勝。天天定。亦能勝人。今子故平王之臣。親北面而事之。今至於僂死。人此豈其無天道之極乎。伍子胥曰。爲我謝申包胥曰。吾日暮塗遠。吾故倒行而逆施之。於是申包胥走秦告急。求救于秦。秦不許。包胥立于秦庭。晝夜哭。七日七夜。不絕其聲。秦哀公憐之。曰。楚雖無道。有臣若是可無存乎。乃遣車五百乘救楚。擊吳。六月敗吳於稷。會吳王久留楚求昭王。而闔廬弟夫概乃亡。歸自立爲王。闔廬聞之。乃釋楚而歸。擊其弟夫概。

夫概敗走，遂奔楚。楚昭王見吳有內亂，乃復入郢，封夫概於堂谿，爲堂谿氏。楚復與吳戰，敗吳。吳王乃歸。後二歲，闔廬使太子夫差將兵伐楚，取番。楚懼，吳復大來，乃去郢，徙於都。當是時，吳以伍子胥、孫武之謀，西破彊楚，北威齊晉，南服越人。其後四年，闔廬伐越，越王勾踐迎擊，敗吳于槁李，傷闔廬指，軍却。闔廬病創將死，謂太子夫差曰：「爾忘勾踐殺爾父乎？」夫差對曰：「不敢忘。」是夕，闔廬死。夫差既立爲王，以伯嚭爲大宰，習戰射。二年後，伐越，敗越于夫湫。叔越王勾踐乃

以餘兵五千人棲于會稽之上使大夫種厚幣遺吳太宰嚭以請和求委國爲臣妾吳王將許之伍子胥諫曰越王爲人能辛苦今王不滅後必悔之吳王不聽用太宰嚭計與越平其後五年而吳王聞齊景公死而大臣爭寵新君弱乃興師北伐齊伍子胥諫曰勾踐食不重味弔死問疾且欲有所用之也此人不死必爲吳患今吳之有越猶人之有腹心疾也而王不先越而乃務齊不亦謬乎吳王不聽伐齊大敗齊師於艾陵遂滅鄒魯之君以魋盭䟽子胥之諫其後

四年吳王將北伐齊。越王勾踐用子貢之謀，乃率其  
展以助吳，而重寶以獻遺太宰嚭。太宰嚭既數受越  
賂，其愛信越殊甚。日夜爲言于吳王。吳王信用嚭之  
計，伍子胥諫曰：「夫越腹心之病，今信其浮辭詐僞而  
貪齊破齊，譬猶石田無所用之。且盤庚之誥曰：『有顛  
越不恭，則殄滅之。』俾無遺育，無使易種于茲邑。此商  
之所以興，願主釋齊而先越。若不然，後將悔之，無及  
而吳王不聽。使子胥於齊，子胥臨行，謂其子曰：『吾數  
諫王，王不用。吾今見吳之亡矣。汝與吳俱亡，無益也。』

乃屬其子于齊鮑牧而還報吳。吳太宰嚭既與子胥有隙，因讒曰：「子胥爲人剛暴少恩，猜賊其怨望，恐爲深禍也。」前日王欲伐齊，子胥以爲不可。王卒伐之，而有大功。子胥恥其計謀不用，乃反怨望。而今王又復伐齊，子胥專懷疆諫，沮毀用事，徒幸吳之敗以自勝。其計謀耳。今王自行，悉國中武力以伐齊，而子胥諫不用，因輟謝佯病不行。王不可不備。此起禍不難。且嚭使人微伺之，其使於齊也，乃屬其子於齊之鮑氏。夫爲人臣，內不得意外倚諸侯，自以爲先王之謀臣。

今不見用常鞅鞅怨望願王早圖之吳王曰微子之言吾亦疑之乃使使賜伍子胥屬鏹之劍曰子以此死伍子胥仰天歎曰嗟乎讒臣誣爲亂矣王乃反誅我我令若父霸自若未立時諸公子爭立我以死爭之於先王幾不得立若旣得立欲分吳國予我我顧不敢望也然今若聽諛臣言以殺長者乃告其舍人曰必樹吾墓上以梓令可以爲器而抉吾眼縣吳東門之上以觀越寇之入滅吳也乃自剄死吳王聞之大怒乃取子胥尸盛以鴟夷革浮之江中吳人憐之

爲立祠於江上因命曰胥山

大史公曰怨毒之于人甚矣哉王者尚不能行之  
於臣下况同列乎向令伍子胥從奢俱死何異蟻  
蟻棄小義靈大恥名垂于後世悲夫方子胥棄於  
江上道乞食志豈嘗須臾忘郢都故隱忍就功名  
非烈丈夫孰能致此哉白公如不自立爲君者其  
功謀亦不可勝道者哉

左氏傳曰吳闔廬三年吳子問于伍員曰初而言  
伐楚余知其可也而恐其使余往也又惡人之有



余之功也。今余將自有之矣。伐楚何如？對曰：「楚執政戾而乖，莫適任患。若爲三師以隸焉？一師至彼，必皆出；彼出，則歸；彼歸，則出。楚必道敝，亟隸以罷之。多方以誤之。旣罷而後，以三軍繼之，必大克之。」闔廬從之。楚於是乎始病。

吳越春秋曰：吳王闔廬將欲伐楚，登臺向南風而嘯。有頃，乃歎羣臣莫有曉王意者。子胥深知王憂，乃薦孫武。武善爲兵法，人莫能知。聖楷按：此與薦專諸同一急著。史旣失載，故人亦不知武爲子胥。

所薦也

聖楷曰伍胥奔自渡江乞食以至進專諸於公子  
子光退耕于野著著皆操勝算故其父讐得報既  
事夫差恃其功望屢諫伐齊又復屬其子於齊之  
鮑氏著著皆錯故其身禍不免豈非天道好還君  
父之毒有不容一問者乎太史公爲胥作傳凡二  
千言多取復讐之事寔以自況云爾如左傳吳子  
問于伍員一段與諫伐齊存越皆子胥精神生動  
處亦畧而不書何也至白公數語尤非確論

范蠡

范蠡本楚宛縣人初濮上人計然博學無所不通猶  
善計筭南遊於越范蠡師事之得其術以事越王勾  
踐勾踐父允嘗與吳王闔廬戰而深相怨伐允嘗率  
勾踐立闔廬乃與師伐越勾踐擊敗師于檣李射傷  
吳王闔廬闔廬且死語其子夫差曰必無忘越三年  
勾踐聞吳王夫差日夜勤兵且以報越欲先吳未發  
往伐之范蠡諫曰夫國家之事有持盈有定傾有節  
事持盈者與天定傾者與人節事者與地天道盈而

不溢盛而不驕勞而不矜其功夫聖人隨時以行是  
謂守時天時不作弗爲人客人事不起弗爲之始今  
君王未盈而溢未盛而驕不勞而矜其功天時不作  
而先爲人客人事不起而創爲之始此逆於天而不  
和于人王弗聽范蠡曰夫勇者逆德也兵者凶器也  
爭者事之末也陰謀逆德好用凶器始於人者人之  
所卒也滙決之事上帝之禁也先行此者不利王不  
聽問吾已決之矣遂伐吳吳王聞之悉發精兵擊越  
敗之夫椒勾踐以餘卒五千保于會稽吳王合兵圍

之益急勾踐謂范蠡曰吾不用子之言以至于此爲  
之奈何范蠡對曰卑辭尊禮玩好女樂如此不已又  
身與之市王乃令大夫種行市於吳曰請士女女于  
士大夫女女於大夫隨之以國家之重器吳王不許  
乃復使大夫種往賂太宰嚭因請委管籥屬國家以  
身隨之吳王乃許成撤兵歸勾踐旣反國將使范蠡  
爲政范蠡對曰四封之內百姓之事蠡不如種四封  
之外敵國之制立斷之事種不如蠡乃令大夫種守  
國使范蠡與大夫柘稽爲質於吳三年吳人遣之歸

比至。王益親蠡而委國以聽。曰：「不穀之國家，蠡之國家也。蠡其圖之。」范蠡復言于王，以民事委大夫種，以兵事自任。初，勾踐求報於吳也，召范蠡而問焉。曰：「上天降禍于越，委制於吳。吳人之那，不穀亦又甚焉。吾欲與子謀之，其可乎？」對曰：「未可也。」蠡問之：「上帝不考，時反是守，強索者不祥，得時不成，反受其殃，失德滅名，不忝死。」公有奪，有予，有不予。王無蚤圖。夫吳君王之吳也。王若蚤圖之，其事將未可知也。又一年，王召范蠡而問曰：「吾與子謀，吳子曰：『未可也。』今吳王淫於

而逾其百姓亂民功逆天時信讒喜優憎輔違邪  
聖人不出忠臣解體皆曲相御莫適相非上下相偷  
其可乎范蠡對曰人事至矣天應未也王姑待之王  
曰諾又一年王召范蠡而問焉曰吾與子謀吳子曰  
未可也今申胥譏諫其王王怒而殺之其可乎范蠡  
對曰逆節萌生天地未刑而先爲之征其事是以不  
成雖受其刑王姑待之又一年王召范蠡而問焉曰  
吾與子謀吳子曰未可也今其稻蟹不遺種其可乎  
范蠡對曰天應至矣人事未盡也王姑待之王怒曰

道固然乎。忘其欺不穀耶。吾與子言人事。子應我以天時。今天應至矣。子應我以人事。何。范蠡對曰。王姑勿怪。夫人。事必將與天地相參。然後乃可以成功。今其禍新民。恐其君臣上下。皆知其資財之不足以支其。久也。彼將同其力。致其死。猶尚殆。王其且馳聘。戈獵。無至禽荒。害中之樂。無至酒荒。肆與大夫觴飲。無忘國。嘗彼其上。將薄其德。民將盡其力。又使之望而不得食。乃可以致天地之殛。王姑待之。至于玄月。王復召范蠡。而問曰。諺有之曰。觥飯不及壺餐。今歲晚。



矣。子將奈何時？吳王會諸侯於黃池，精兵悉從，行獨  
老弱與太子留守。蠡乃對曰：「可矣。微君王之言，臣固  
將謁之王。臣聞從時者，猶救火追亡人也。蹶而趨之，  
惟恐弗及。於是發習流二千，教士四萬人，君子六千，  
人諸御千人，伐吳。吳師大敗，遂殺吳太子。吳告急於  
王，王反自會，厚禮請成。蠡以吳尚能與守也，乃復言  
於王，許之。成而退。後四年，復伐之，大破吳師，因以兵  
圍之。復棲吳王於會稽之山。吳王使王孫雒行成於  
越，曰：「昔者上天降禍於吳，得罪於會稽。今君王其圖

不殺不殺請復會稽之和。王弗忍欲許之。范蠡諫曰：臣聞之聖人之功時爲之庸，得時弗成。天有還形，天節不遠，五年復反。小凶則近，大凶則遠。先人有言曰：伐柯者其則不遠。今君王不斷其忘會稽之事乎？王曰：諾。不許使者往而復來，辭愈卑，禮愈尊。王又欲許之。范蠡諫曰：孰使蚤朝而晏罷者？非吳乎？與我爭三江五湖之利者？非吳耶？夫十年謀之一朝而棄之，其可乎？王姑勿許。其事將易，冀已。王曰：吾欲勿許而難其使者，子其對之。范蠡乃左提鼓，右援抱，以應使者。

曰昔者上天降禍於越委制於吳而吳不受今將反此義以報此禍吾王敢無聽天之命而聽君王之命乎王孫雒曰子范子先人有言無助天爲雷助天爲虐者不祥今吳稻蟹不遺種子將助天爲虐不思其不祥乎范蠡曰王孫子昔吾先君固周室之不成子也故濱於東海之陂龜鼃魚鼈之與處而龜鼃之與同睹今雖覲然而人而哉臣猶禽獸也又安知有譏諷者乎王孫雒曰子范子將助天爲雷助天爲虐人矣子往反辭於王范蠡曰吾王已委制於執事之不

祥雉請矣。無使執事之人得罪于子。使者辭反。范蠡不報于王。擊鼓興師。以隨使者。至于姑蘇之宮。不傷越民。遂滅吳。反至五湖。范蠡辭于王曰。君王勉之。臣不復入於越國矣。王曰。不穀疑子之所謂者何也。對曰。臣聞之。君憂臣勞。君辱臣死。昔者君王辱于會稽。臣所以不死者。爲此事也。今事以濟矣。蠡請從會稽之罰。王曰。所不掩子之惡。揚子之美者。使其身無終沒于越國。子聽吾言。與子分國。不然。身死。妻子爲戮。對曰。臣聞命矣。君行制。臣行意。遂乘輕舟。以浮于五

湖王命工以良金寫其狀而朝禮之。決日令大夫朝之。環會稽三百里者以爲蠡地。曰後世子孫敢有侵蠡之地者使無終于越國。皇天后土四鄉地主正之。越絕書曰范蠡其始居楚也生于宛之三戶結童之時一痴一醒時人盡以爲狂然獨有聖賢之明人莫可與語以內視若盲反聽若聾大夫文種入其縣知有賢者未覩所在汎求之焉得蠡而悅蠡乃謂種曰天運歷紀千歲一至黃帝之元執辰破巳霸王之氣見于地戶子胥以是挾弓矢以干賢

王遂要種入吳。旣而又曰：吳越二邦同氣，共俗。地戶之位，非吳則越。越王嘗與言，盡入大夫石買，譖之曰：「衛女不貞，衛士不信。」客歷諸侯，渡河津，無因自致。殆非貞賢大夫種進曰：「昔者市儉，自衛于晉，晉用之，勝楚伊尹，負鼎入殷，遂佐湯取天下。有志之士不在遠，進取也。其後勾踐失衆，栖于會稽，之山更用種蠡之策，得以存。」聖稽曰：「今南陽古宛縣也。有范蠡鄉，卽宛之三戶地。是時文種爲宛令，范蠡狎狂，故曰范蠡吠於狗。」

竇文種見而拜之。又吳楚春秋調楚平王時文種  
爲宛令。狎狂不治事。則二人皆狂矣。豈當時楚人  
皆狂。而以不狂者爲狂乎。抑見楚風不競。而托逃  
之也。嗟夫。覆楚沼吳。無非楚才。而楚不能用。以資  
他國士生。其際那得不狂。

王弼州曰。伍胥俠客之雄也。重在伸志。范蠡謀客  
之雄也。重在全身。負勇勝智。蠡智勝勇。

陳音

陳音者楚人也。善射。范蠡進之於越王。越王請音而問曰。狐聞子善射。道何所生。音曰。臣楚之鄙人。嘗步于射術。未能悉知其道。越王曰。然。願子一二其辭。音曰。臣聞弩生于弓。弓生于手。彈彈起古之孝子。越王曰。孝子彈者。奈何。音曰。古者人民朴質。饑食鳥獸。渴飲霧露。死則裹以白茅。投于中野。孝子不忍見父母爲禽獸所食。故作彈以守之。絕鳥獸之害。故歌曰。斷竹。續竹。飛土。逐肉。於是神農皇帝弦木爲弧。剡木爲矢。



張、氏、之、利、以、威、四、方、黃、帝、之、後、楚、有、張、父、張、父、者、生、  
于、楚、之、荆、山、生、不、見、父、母、爲、兒、之、時、習、川、弓、矢、所、射、  
無、脫、以、其、道、傳、于、羿、羿、傳、逢、蒙、逢、蒙、傳、于、楚、琴、氏、琴、  
氏、以、爲、弓、矢、不、足、以、威、天、下、當、是、之、時、諸、侯、相、伐、兵、  
刃、交、錯、弓、矢、之、威、不、能、制、服、琴、氏、乃、橫、弓、著、臂、施、機、  
設、樞、加、之、以、力、然、後、諸、侯、可、服、琴、氏、傳、之、楚、三、侯、所、  
謂、句、亶、鄂、章、入、號、麋、侯、翼、侯、魏、侯、也、自、楚、之、三、侯、傳、  
至、靈、王、自、稱、是、楚、累、世、蓋、以、挑、弓、棘、矢、而、脩、鄰、國、也、  
自、靈、王、之、後、射、道、分、流、百、家、能、人、用、莫、得、其、正、臣、前、

人受之于楚五世于臣矣。臣雖不明其道，惟王試之。  
越王曰：弩之狀何法焉？陳音曰：郭爲方城，守臣子也。  
教爲人君，命所起也；矛爲執法，守吏卒也；牛爲中將，  
主內裏也；關爲守禦，檢去止也；錡爲侍從，聽人主也；  
臂爲道路，通所使也；弓爲將軍，主重負也；弦爲軍師，  
禦戰士也；矢爲飛客，主教使也；金爲實敵，往不止也；  
衛爲副使，正道里也；又爲受教，知可否也；縹爲都尉，  
執左右也；敵爲百死，不得駭也；鳥不及飛，獸不暇走，  
弩之所向，無不死也。臣之愚劣，道悉如此。越王曰：願

聞正射之道。音曰。臣聞正射之道。道衆而微。古之聖人射弩。未發而前。名其所中。臣未能如古之聖人。請悉其要。夫射之道。身若戴板。頭若激卵。左蹠右足橫。左手若附枝。右手若抱兒。舉弩望敵。翕心咽煙。與氣俱發。得其和平。神定思去。去止分離。右手發機。左手不知。一身與教。豈况雄雌。此正射持弩之道也。願聞望敵儀表。投分飛矢之道。音曰。夫射之道。從分望敵。合以參連。弩有斗石。矢有輕重。石取一兩。其數乃平。遠近高下。求之銖分。道妙在斯。無有遺言。魏王曰。善。

盡子之道。願子悉以教吾國人。音曰：道出于天，事在  
于人。人之所習，無有不神。於是乃使陳音教士習射  
于北郊之外。三月，軍士皆能用弓弩之巧。陳音死，越

王傷之，葬于國西，號其葬所曰陳音山。

聖楷按：陳音山在山陰縣西南四里。寰宇記曰：屬

上虞縣非。

弱弓微繳之臣

楚人有好以弱弓微繳加騶馬之上者。頃襄王問召  
而問之。對曰：小臣之好射騶馬，羅驚小矢之發也。何  
足爲大王道也？且稱楚之大，因大王之賢，所弋非直  
此也。昔者三王以弋道德，五霸以弋戰國。故秦、魏、燕  
趙者，騶馬也；齊、魯、韓、衛者，青首也；鄒、費、郛、邳者，羅  
也。外其餘則不足射者，見鳥六雙以王，何取？王何不  
以聖人爲弓，以勇士爲繳，時張而射之。此六雙者可  
得而囊載也。其樂非特朝夕之樂也。其獲非特鳧鴈

之實也。王朝張弓而射魏之大梁之南，加其右臂而  
徑屬之于韓，則中國之路絕而上蔡之羆壞矣。還射  
閩之東，解魏左肘而外擊定陶，則魏之東外弃而大  
宋方興。二羆者，舉矣。且魏斷二臂，顛越矣。膺擊鄴國  
大梁，可得而有也。王請綴蘭臺，飲馬西河，定魏大梁。  
此一發之樂也。若王之于弋，誠好而不厭，則出寶弓，  
鑿新繳，以石為之，射鴈，身於東海，還益長城，以為  
防。也。言射者還繞，蓋覆使無飛走之路。朝射東宮，夕  
發涓丘，夜加卽墨，顧據午道。顧，反也。午道，一縱則長城之

東收而太山之北舉矣。西結境於趙而北達於燕。三國布砥礪則從不待約而可成也。北遊目於燕之遼東而南登望於越之會稽。此再發之樂也。若夫泗上十二諸侯左縈而右拂之可一旦而盡也。今秦破韓以爲長憂得列城而不敢守也。伐魏而無功。擊趙而韓則秦魏之勇力屈矣。楚之故地漢中析郢可得而復有也。王出寶弓。磬新繳。涉郢塞而待秦之倦也。山東河內可得而一也。勞民休衆南面稱王矣。故曰秦爲大身負海內而處東而而立左臂據趙之西南右

傳○傳○楚○鄢○郢○庸○擊○韓○魏○垂○頭○中○國○處○既○形○便○勢○有○地○  
利○奮○翼○鼓○瑟○方○三○千○里○則○秦○未○可○獨○招○而○夜○射○也○欲○  
以○激○怒○襄○王○故○對○以○此○言○襄○王○因○召○與○語○遂○言○曰○夫○  
先○王○爲○秦○所○欺○而○客○死○于○外○怨○莫○大○焉○今○以○匹○夫○有○  
怨○尚○有○報○萬○乘○自○公○子○胥○是○也○今○楚○之○地○方○五○千○里○  
帶○甲○百○萬○猶○足○以○踴○躍○中○野○也○而○坐○受○困○臣○竊○爲○大○  
王○弗○取○也○於○是○頃○襄○王○遣○使○於○諸○侯○復○爲○從○欲○以○伐○  
秦○

聖楷曰頃襄忘父之讐好會和親甘爲秦役其不



不○足○與○有○明○矣○此○何○人○哉○獨○以○射○喻○蓋○此○人○胸○中○  
眼○底○有○萬○分○不○平○實○實○見○得○天○下○形○勢○在○秦○與○楚○  
實○實○見○得○懷○王○客○死○不○可○不○報○以○不○共○戴○天○之○恨○  
擁○帶○甲○百○萬○之○師○左○榮○右○拂○何○恥○不○雲○而○乃○拱○手○  
事○人○至○足○痛○也○故○借○弱○弓○微○繳○揔○所○欲○言○又○復○隱○  
其○姓○名○羞○與○策○士○同○稱○嗟○乎○孰○謂○草○野○中○無○奇○士○  
哉○

陸法和

陸法和不知何許人也。隱于江陵百里洲。衣食君處。一與苦行沙門同。耆老自幼見之。容色常不定。人莫能測也。或謂出自嵩高。遍遊遐邇。既入荊州。汝陽穉高要縣之紫石山。經故捨所居山。俄有蠻賊文道期之。亂時人以為預見萌兆。及侯景始告降於梁。法和謂南樞朱元英曰。貧道共檀越擊侯景去。元英曰。侯景為國立効。師云擊之何也。法和曰。正自如此。及景渡江。法和時在青谿山。元英往問曰。景今圍城。其事

云何法和曰凡人取果安待熟時不擦自落覆越但  
待候景熟何勞問也固問之乃曰亦尅亦不尅景遣  
將任約擊梁湘東王於江陵法和乃詣湘東乞征約  
召諸蠻弟子八百人在江津二日便發湘東遣胡僧  
祐領千餘人與同行法和登艦大笑曰無量兵馬江  
陵多神祠人俗恒所祈禱自法和軍出無復一驗人  
以爲神皆從行故也至赤沙湖與約相對法和乘輕  
船不介冑公流而下去約軍一里乃還謂將士曰聯  
觀彼龍睡不動吾軍之龍甚自踴躍卽攻之若得待

明日當不損客至一人而破賊然有惡處遂縱火舫  
於前而逆風不便法和執白羽麾風風勢卽返約衆  
皆見梁兵步于水上於是大潰皆投水而死約逃竄  
不知所之法和曰明日午時當得及期而未得人問  
之法和曰吾前于此洲水乾時建一利語檀越等此  
雖爲利實是賊標今何不向標下求賊也如其言果  
於水中見約抱利仰頭裁出鼻遂擒之約言求就師  
目前死法和曰檀越有相必不兵死且于王有緣夾  
無他慮王於後當得檀越力耳湘東果釋用爲郡守

及魏圍江陵約以兵赴救。力戰。法和既平約往進。見王僧辯於巴陵。謂曰。貧道已斷侯景一臂。其更何能爲。檀越空卽遂取。乃徑還。謂湘東王曰。侯景自然平矣。無足可慮。蜀賊將至。法和請守巫峽待之。乃摠諸軍而往。親運石以填江。三日水遂不流。橫之以鐵鎖。武陵王紀果遣蜀兵來渡峽口。勢蹙。進退不可。王琳與法和經畧一戰而殄之。軍次白帝。謂人曰。諸葛孔明可謂名將。吾自見之。此城旁有其埋弩箭鏃一斛許。因插表令掘之。如其言。又嘗至襄陽城北。大樹

下畫地方二尺令弟子掘之得一龜長尺半以杖叩之曰汝欲出不能得已數百歲不逢我者豈見天日乎爲授三龜龜乃入草初八壘山多惡疾人法和爲採藥療之不過三服皆差卽求爲弟子山中毒蟲猛獸法和授其禁戒不復噬螫所泊江湖必於峯側結表云此處放生漁者皆無所得才有少獲輒有大風雷船人懼而放之風雷乃定晚雖將兵猶禁諸軍漁捕有竊違者中夜猛獸必來欲噬之或亾其船纜有小弟子戲截蛇頭來詣法和法和曰汝何意殺蛇因

指以示之弟子。乃見蛇頭齧袴褶而不落。法和使懺悔。爲蛇作功德。又有人以牛試刀。一下而頭斷。來詣法和。法和曰。有一斷頭牛。就卿徵命。殊急。若不爲作功德。一月內報至。其人弗信。少日果死。法和又爲人置宅園墓。以避禍求福。嘗謂人曰。勿繫馬於碓。其人行過鄉曲門側。有碓。因繫馬於其柱。入門中。憶法和戒。走出將解之。馬已斃矣。梁元帝以法和爲都督鄧州刺史。封江乘縣公。法和。不稱臣。其啟文。朱印名上。自稱司徒梁元帝。謂其僕射王褒曰。我未嘗有意用。

陸爲三公而自稱何也。喪曰彼旣以道術自命。容是  
先知。梁元帝以法和功業稍重。遂就加司徒都督刺  
史。如故部曲數千人。通呼爲弟子。唯以道術爲化。不  
以法獄加人。又列肆之內。不立市丞牧佐之法。無人  
領受。但以空檻箠在道間。上開一孔。以受錢。賈客店  
人。隨貨多少。計其估限。自委檻中。行掌之司。夕方開  
取。條其孔目。輸之於庫。又法和平。嘗言若不出口時。  
有所論。則雄辯無敵。然猶帶蠻音。善爲攻戰具。在江  
夏。大聚兵艦。欲襲襄陽。而入武關。梁元帝使止之法。



和曰法○和是求佛之人○尙不希釋梵天王坐處○豈規主位○但於空王佛所○與至上有香火因緣○見至上應有報至○故求援耳○今旣被疑是定業○不可改也○於是設供食具○大餽薄餅及魏舉兵法○和自郢入漢口○將赴江陵○梁元帝使人逆之○曰此自能破賊○但鎮郢州不須動也○法和乃還州○至其城門○着麤白布衫布袴○和巾大繩束腰○坐葦席○終日乃脫之○及開○梁元帝敗○滅○復取前凶服着之○哭泣受吊○梁人入魏○果見餽餅○焉○法和始於百里洲造壽王寺○旣架佛殿○更截梁柱

日後四十許年佛法當遭雷電此寺幽僻可以免難  
及魏平荊州宮室焚燼摠管欲發取壽王佛殿嫌其  
材短乃停後周氏滅佛法此寺隔在陳境故不及難  
天保六年春清河王岳進軍臨江法和舉州入齊文  
宣以法和爲大都督十州諸軍事大尉公西南大都  
督五州諸軍事荊州刺史安湘罷公宋莅爲郢州刺  
史官爵如故莅弟邁爲散騎嘗侍儀同三司湘州刺  
史義興縣公梁將侯瑱來逼江夏齊軍棄城而退法  
和與宋莅兄弟入朝文宣聞其奇術虛心相見傳三

公鹵簿於城南十二里供帳以待之。法和遙見鄴城下馬禹步辛術謂曰：公旣萬里歸誠，主上虛心相待，何爲作此術法？和手持香爐步從路車，至於館。明日引見，給通帳、油、絡、綱、車、仗，身百人，請闕通名，不稱官爵，不稱臣，但云荆山居士。文宣宴法和及其徒，屬於昭陽殿，賜法和錢百萬，物萬段，甲第一區，田一百頃，奴婢二百人，生資什物，稱是。宋荏牛段其餘儀同刺史。以下各新差法和所得奴婢盡免之，曰：各隨緣去。錢帛散施，一自便盡，以官所賜宅營佛寺，自居一房。

與凡人無異。三年間再爲太尉。世猶謂之居士。無疾而告弟子。死期至時。燒香禮佛。坐繩床而終。浴訖。將歛。屍小縮。止三尺許。文宣令開棺視之。空棺而已。法和書其所居壁而塗之。及剝落。有文曰。十年天子爲尚可。百日天子急如火。周年天子遞代坐。又曰。一母生三天。兩天共五年。說者以爲婁太后生三天子。自孝昭卽位。至武成傳位。後主共五年焉。法和在荊郢。有少姬。年可二十餘。自稱越姥。身披法服。不嫁。恒隨法和。東西。或與其私通。十有餘年。今者賜棄。別更他。

澤有司考驗並實越姥因爾改適生子數人

公安袁小修曰昔荆山居士陸法和初居江陵之  
百里洲繼居邑之紫石山後乃卜築鹿苑嘗云吾  
著脚名山多矣未有秀邃如鹿苑者蓋因峯爲牆  
因水爲池因巖爲室因隘爲門戶不修飾而自極  
煙雲之美法和擇而居之可爲神眼後來開府郢  
州似未嘗久居此也昔臺城之難爲千古學佛者  
口實然此大士一出而剪其羽翼侯景之首旦暮  
至江陵矣彼殺學佛者而卽爲學佛者所殺可云

佛法無霧驗哉萬回孟渡之流圓珪七辛之輩其  
跡或出野乘而大士呼風役鬼之奇正史揭而書  
之以爲不可信則臺城之事亦不足信矣法和居  
江夏大張兵艦欲襲襄陽入武關梁元止之法和  
以空王佛所與主上有香火因緣應有報至故來  
抹解耳何以致疑夫以空王佛所同學之友沙刼  
不怠拯其患難至于萬不可抹然後已尤大士中  
之有俠骨者哉予欲于繡鐵峽上治一室以祠法  
和而徐議佛宮聞夷陵雷太史亦有此志俟其歸

相與。嗇之。毋使。荊州。出此。一大。神聖。任其。香火。寢。寐也。

張惟孝

張惟孝字仲友襄陽人長六尺通春秋下第乃工騎射城中亂爭出關惟孝拔劍殺數人趨白河見一舟壯鉅甚急登之舟人不可惟孝曰今日之事非汝卽我能殺我者得此舟宸披靡遂以舟達郢州兵亂奔沙洋別之傑爲帥盡隘諸湖不泄水惟孝令二人賈服前行密窺隘兵曰易與耳乃與十騎衣黑袍假爲敵兵曰後隊亟至守隘四五百人悉潰舟趨藕池開慶元年卜居江陵至沙市宸舟大集不可涉頃有義



冠張蓋從者數十則宣撫姚希得之第也令曰政有  
爭岸者投水中惟孝暉睨良久提劍驅左右而出舉  
白旗以麾令衆船登岸毋敢亂次幹官鍾蜚英見而  
異之以告唐舜申舜申曰否故人也具言惟孝平生  
蜚英謂曰今日正我輩趨事赴功之秋惟孝不答又  
叩之則曰朝廷負人明日蜚英道希得羅致之宴仲  
宣樓蜚英酒酣曰有國而後有家天下如此將安歸  
乎惟孝躍然曰從公所命乃請空名帖三十以還逾  
旬與三十騎俱擁甲士五千至旗幟鮮明部伍嚴肅

上○至○公○安○下○及○墨○山○游○踏○相○繼○希○得○大○喜○請○所○統○姓○  
名○惟○孝○曰○朝○廷○負○人○福○難○禍○易○聊○爲○君○侯○紓○一○時○之○  
難○耳○姓○名○不○可○得○也○時○鼎○澧○五○州○危○甚○於○是○擊○鼓○耀○  
兵○不○數○日○宸○至○萬○人○數○戰○俱○捷○江○上○平○制○使○呂○文○德○  
招○之○不○就○而○遁○物○色○之○不○可○得○或○云○已○趨○淮○甸○後○不○  
知○所○終○

聖○楷○曰○姚○平○仲○恥○其○功○之○不○就○遂○乘○青○驃○亡○命○一○  
晝○夜○馳○七○百○五○十○里○入○華○山○以○爲○淺○又○奔○蜀○入○青○  
城○山○朝○廷○數○物○色○求○之○不○得○其○藏○一○身○可○謂○勇○矣○

若○張○惟○孝○布○衣○耳○藏○甲○士○五○千○人○不○在○山○不○在○市○  
呼○之○立○至○解○之○立○散○不○得○其○姓○氏○不○知○其○所○往○此○  
又○豈○平○仲○所○可○及○乎○天○下○多○事○往○往○由○英○傑○輩○不○  
為○我○用○如○張○元○吳○昊○之○類○皆○是○然○不○若○淮○孝○之○更○  
異○也○吁○觀○其○朝○廷○負○人○福○難○禍○易○之○語○安○得○不○令○  
英○傑○輩○灰○心○耶○

楚寶宦蹟論次

登高望遠舜陟還過衡陽涉澧渡江禹功半在荒服  
是以塗山之會貢九州而稱荆太史陳詩歌二南以  
首楚春秋多賢大夫然丹能誦祈招之什兩漢著術  
良蹟隆中獨高梁父之吟又若牟祐之淚杜預之碑  
武昌之柳南樓之月嶽麓梅花無端急雪西山杯酒  
散作湘春每披往牒良懷儀軌倘執筆而隨長吏之  
後其更有進于斯者乎述宦蹟第二十凡三卷

宦蹟一

召公奭

伯州黎

宋均

度尙

宦蹟二

諸葛亮

杜預

庾亮

顧憲之

方叔

吳起

衛颯

楊璇

關羽

~~劉~~弘

劉道奎

~~孫~~瑒

然丹

馬援

馮緄

孫堅

牟祐

陶侃

王僧虔

申徽

楊大眼

宦蹟三

李泌

呂諲

元結

韓思復

裴休

李允則

張詠

岳飛

李植

辛棄疾

楊時

劉珙

張栻

朱熹

陸九淵

真德秀

楚寶宦蹟論次終